

Portus.
Montes.

Opera publica.

Privata.
Ratio guber-
nandi.

Sunt præterea *Ossaccaia* Civitas illustris, potens, libera, omnium ut quidam autumant totius Orientis opulentissima. Magna hic Mercatorum undique concurrentium frequentia est, quorum qui mediocres facultates habent minimum possident xxx aureorum millia, qui maiores, incredibilem summam. *Bungum* sui tractus Vrbs præcipua, situ oportuno. In hac Christianorum magnus est numerus. *Coia* Civitas *Bonsio* cuidam sacra, quem *Combodassi* vocant. Principes omnes in hac Vrbe sepeliuntur: aut si alibi, saltem huc dentem unum mittunt sepeliendum: tanta huius loci veneratio. *Fiongo* Vrbs decem & octo leucis Meaco distans. Hæc *Nobunangæ* tempore maiorem in partem devastata fuit. Eamque anno *ciroxcv* i terræmotus sic convulsit, ut non minima eius pars ad terram allisa sit: & paullo post etiam maxima pars, ut dicunt, igne conflagravit. *Amangasaqui* Vrbs non contemnenda leucis quivis disuncta a mari *Sacai* opposita. Habet etiam *Vosuguin*, *Funaium*, *Tosam* Vrbes nobilissimas, & alias quas brevitatis studio prætereo. Portus marini hic multi, inter quos *Ochinofamanus*, in quo fere magnus navium numerus stat. Editi præruptique Montes, cum alii passim, tum i præcipua nobilitate visuntur, quorum alter incertæ appellationis, adlidue flammæ evomit: inque eius cacumine, certis Hominibus, postquam voti causa diu se maceraverint, splendida circumfusus nube sese *Cacodæmon* ostendit: alter *Figenoiama* nomine spectatæ altitudinis est, adeo ut etiam ipsas nubes leucarum aliquot intervallo superet. Magnifica exstruunt Tempia & Sacerdotum utriusque sexus sumptuosa Cœnobia: superba etiam & visenda Palatia. Palatii Regii ex *Paullo Veneto*, supra mentionem fecimus, cuius tectum aureis laminis fuit opertum. Superficies quoque superior aularum & conclavium aureis laminis ferebatur tecta. Nec minus hodie sunt in huiusmodi operibus sumptuosi & magnifici. *Tarco* sive *Tarcosama* quem nunc hic Monarcham esse diximus, opere visendo & stupendo moles excitavit. Hic exstrui curavit aulam mille *Taramis* (storeæ elegantissimæ genus est) opertam cum suis fimbriis damascenis, holosericis, aureis: quælibet autem harum storearum octo palmos longa, iv lata est. Hæc aula è ligno maximi pretii ædificata est, tantoque Auro intus nitet, ut pene incredibile videatur. Ante hanc Aulam in planitie pulcherrima, iussit erigi Theatrum ad agendas Comœdias: utrimque vero nonnullo intervallo divulsas turres binas trium quatuorve conignationum. Multa hic prætereo brevitati studens. Ligneis plerique ob crebros terræmotus, quidam tamen ab imo lapideis utuntur ædibus, elegantia & arte visendis. Meaci *iii Viri* (qui totius Regni Primores summum Magistratum constituunt) degunt: penes quos summa est rerum constituendarum potestas. Primus, qui *Zazo* dicitur. Pontificis instar, præest sacris. Secundus *Voo* dignitatibus & honoribus. Tertius *Cubacama* paci & bello. In autem ordines divisa gens est: quorum primus eorum qui cum imperio sunt, rerumque potiuntur: hosce communi omnes nomine *Tonos* nuncupant: quamquam inter ipsos *Tonos* alii dein existant dignitatis gradus, uti apud nos Regum, Ducum, Marchionum & Comitum. Alter ordo eorum est, qui gentis illius procurant sacra, capite ac mento prorsus abrafo: Cœlibem hi profitentur vitam. Variæ ac multæ nume.